

滄浪吟卷

| | | | |
|-----|---|---|---|
| 漢書門 | | | |
| 一 | 二 | 三 | 四 |
| 一 | 二 | 三 | 四 |
| 冊 | 架 | 函 | 號 |

| | | | |
|------|---|---|----|
| 內閣文庫 | | | |
| 三 | 二 | 一 | 漢書 |
| 三 | 二 | 一 | 冊 |
| 架 | 冊 | 號 | 類 |


| | | | |
|------|---------|-------|--|
| 內閣文庫 | | | |
| 番號 | 漢 | 10280 | |
| 冊數 | 1 (1) | | |
| 函號 | 312 | 258 | |

312-258






滄浪嚴先生吟卷卷之一



樵川陳士元
進士黃清老



賜谷編次
子肅校正

淺草文庫

五言絕句

西陵望



西陵終日望不見
有歸橈欲去猶回首
寒江起暮潮

閨怨

昨夜中秋月
愁顧影頻空
留可憐影不見
可憐人

又

315-528

欲作遼陽夢愁多自不成
錯嫌烏臼鳥半夜隔窗鳴

舟中示同志

見說春帆亦康廬水石多期君一把臂長嘯入煙蘿

塞下絕句

莫被封侯誤封侯似漢家君看城下骨萬古一黃沙

七言絕句

送友人之楚州

黯黯離筵夕照收江城羌笛起
愁念君此去三千

里何處關山是楚州

酬故人見贈

湘江南去少人行瘴雨蠻煙白
草生誰念梁園舊詞
客祝椰樹下獨聞鶯

羽林郎

貂帽狐裘塞北妝黃鬚年少羽林郎
彎弓不怕天山
雪生縛名王入建章

閨中詞

良人西去擊狂胡妾在閨中對影居
萬里長看天外
月一生空得夢中書

塞下曲六首

孤城奔外竟日無雲空自哀
忽恠一時天盡

合羣胡鴈向西來

渺渺雲沙散，素駝風吹黃葉渡。黃河羗人半醉葡萄

熟，塞鴈初肥，首宿多

古戍秋生，畫角哀思歸泣盡。望鄉臺，胡天日落寒風

起，但見黃沙萬里來

一身遠客逐戎旌，落日蕭條望古城。漸近磧西無水

草，北風沙起駝駝驚

玉關西去更無春，滿眼蓬蒿起塞塵。漢馬不歸青海

月，胡笳愁殺隴頭人

天山一夜雪，漫漫虜去營空戰。血乾十萬兵，人迴馬

首天邊烽火報平安

江上送客

留君夜飲北風寒，且折梅花耐醉歡。明日相廬潮去

遠孤帆，天際若為看

賴成之還自江西感舊有贈

十年心事兩蹉跎，南北東西別恨多。今日樽前重把

手相看，爭奈白頭何

聞笛

江上誰家吹笛聲，月明霜白不堪聽。孤舟萬里蕭湘

客，一夜歸心滿洞庭

舟中望落星寺

日暮黃沙壓岸平
江心風浪暗冥冥
南康一望何由到
愁殺舟中指落星

答李友山山中留別

已恨青山臨渡口
相思回首隔夫君
更堪重到相思處
不見青山見白雲

秋日

西風催我轉胡牀
坐落秋山午夢涼
蟬老樹深音響別
滿天風雨帶斜陽

新涼

小院新涼水竹通
鳴蟬聲斷晚來風
忽然坐睡膏肓去
不覺殘書落手中

臨池

乍涼池館雨初收
菱角蓮房共趁秋
獨恨碧波渾占却
更無剝水浴沙鷗

北風

夜來雨雪北風顛
吹得波濤欲暗天
世上如今少知己
煩君牢繫釣魚船

燕此篇或云三体作

巢破春雛半石存
銜泥空傍主人門
一生巧計輸黃

雀飲啄宜倉長子孫

吳中送友歸豫章

川程極目渺空波送爾歸舟奈別何南國音書須早
寄江湖春鴈已無多

臨川送周月船入京

別時把酒已寬消別後音書更閒寥一片離心寄春
水隨君船入浙江潮

五言八句

別客

客鬢風霜晚離亭鼓角聞念君當此去把袂不能分

衡霍連秋氣瀟湘合暮雲愁心將落葉向晚共紛紛

送張季遠入京

手把一枝菊贈君千里行山川遙滿目何處是吳京
飲罷北風起蕭々胡鴈聲東流儻未盡見我望君情

訪益上人蘭若

獨尋青蓮宇行過白沙灘一徑入松雲數峯生暮寒
山僧喜客至林閣借人看吟罷拂衣去鐘聲雲外殘

從軍行

朔風嘶馬動遙想鴈門秋負劍辭鄉邑彎弓赴國雠
黃榆連草河隴去悠悠報主男兒事焉論萬戶侯

翩翩雙白馬結束向幽燕借問誰家
邯鄲俠少年
彎弓隨漢月拂劍倚胡天說與單于道
今秋英迹邊
出塞行

將軍救朔邊都護上祈連六郡飛傳檄
三河聚控弦
連營當太白吹角動胡天何日匈奴滅
中原得晏然

關山月

今夜關山月偏能照馬鞍盧龍征成客
圓缺幾回看
遙想金閨裏應悲玉露寒黃沙三萬里
何日是長安

蜀女怨

幾時離月峽五見紫蘭凋塞鴈隨鳧
斷江花逐淚飄
沙頭南北客京口去來潮日日無消息
空登萬里橋
尋甯山人所居

幽人以道隱結室岩之東余亦避世客
逢君於此中
鳥因留食至泉為煉丹紅向晚下山去
月高秋色空
江樓夜月懷故山友人陳聘君吳樗鄉

昨夜江樓月思君好斷腸猿聲相應發
山色更青蒼
楚塞來書遠閩關隔夢長今朝看愁髮
為爾半成霜

江上有懷上官良史

懷君悵不樂立馬大江邊塞鴈來無際
驚沙渡風然

客心懸日夜書札斷雲天莫作青山老空爲人所憐

聞鴈

遠客驚秋鴈高樓復異鄉聲兼邊哨苦影落楚雲長
此夜頭堪白他山葉又黃年年洞庭浪飄泊更無行

送上官偉長

歲晚長愁緒嗟君更遠行兵戈今日淚江海故人情
此別幾時見寒猿一夜鳴致君相許在回首壯心驚

有懷閩風山人

把酒忽惆悵君今吳楚間孤雲隨馬首風雨隔河關
心事竟安在此行殊未還空將百年意泣向寶刀環

避亂途中

回首兵戈地遺黎見幾人他鄉空白髮故國又青春
多難堪長客偷生愧此身本無匡濟略難息謾傷神

將往豫章留別張少尹父子

江西飛鳥外極目渺離愁同侶時催發征人不可留
江湖雙淚眼天地一孤舟揮棹從茲去空傷旅鬢秋

懷南昌舊遊

昨在南昌府清遊不可窮盃行江色裏棹進月明中
樓笛吹晴雪菱歌漾晚風坐來懷舊迹萬里一飄蓬

寄山中同志

我有三足鹿放之在碧山別來幾千日昨夢忽乘還
松色入天盡岩花落地閑憑君一問訊沿月上潺湲

望西山

西山橫翠新中隱石仙真笑取玉塵尾揖茲丹霞人
雲從石洞出月落滄江頻子亦將高卧藤蘿桂葛巾
秋夜臨汝館懷友人陳聘君賴竹莊

秋聲動梧竹月色滿庭蕪此夕懷良友天涯各一隅
飛飛羣過鴈切々未棲鳥安得從君去扁舟駕五湖

樟樹鎮醉後題

吾憐樟樹好取醉欲無還酒壓鸞兒色辭歌稚子斑

朱樓當碧水紅日下青山興罷揚鞭去蒼々煙霧間

張奕見訪逆旅

歲晚傷為旅君來適慰情郊扉寒少色江渚夜多聲
報國憐他日為儒愧此生那言離合際更觸壯心驚

豫章城

為此城高處回鞭醉每醒江花兩岸白煙樹一行青
雲學山舒態天隨水賦形吾多徐孺子獨向北沉冥

江行

暝色蒹葭外倉茫旅眺情殘雲和鴈斷新月帶潮生
天列水中盡舟隨樹抄行離家今幾宿厭聽棹聲

舟中苦熱

舟行何太熱岸上萼塵沙閃閃浪頻過昏夕日又斜
年衰愁作客秋近苦思家蝗旱三千里江淮兒女嗟

江上泊舟

天際長愁客沙邊舊驛亭風低江浦鴈雪暗夜船燈
窮老嗟身拙狂歌畏酒醒此生何定著江漢一浮萍
逢戴式之往南方

此老相逢日中原正用兵黃塵空北望白首更南征
今古悲秋意江湖惜別情幾時羣盜滅匹馬會神京
塞下

鞍馬連年出關河萬里賒將軍思報國壯士耻還家
大漢春無草天山雪作花誰憐李都尉白首沒胡沙

吳江春望

客有東南別憑高正憶家青春江上草湖日岸頭沙
去鳥無邊盡歸帆幾處斜音徽不可問惆悵結瑤華

閑居寄交

蕭條遺世心江海坐來深擁褐閑窺沼思山欲借琴
有慵煙際寺無葉水邊林不見同袍交憑誰伴苦吟

不見石屏老相逢問客船長沙聞近別行在徒虛傳

兵革來書斷江湖望眼穿他時同話此把臂喜應顛
喜友人相訪擬韋蘇州作

朝朝竹林院閉戶讀殘書凡閣宸風入荒郊寒露餘
胡人步屨至清坐每跼蹶報卷還留興漱泉同飯蔬

有感六首

誤喜殘胡滅那知患更長黃雲新戰路

已蜀連年哭江淮幾郡瘡襄陽根本地回首一悲傷

二

哀痛天災日絲綸罪已深王師曾北伐胡馬尚南侵
謀國知誰計和親豈聖心願聞修實德聽納諫臣箴

三

聞道單于使年來入國頻聖朝思息戰異域請和親
今日唐虞際羣公社稷臣不妨盟墨詐須戒覆車新

四

災異時時見羣情恐懼中修攘今日急反側向來同
社稷堪多難安危係數公殘生江海去老作一漁翁

五

陛下春秋盛謙卑每責躬得無勞聖慮猶未定儲官
付托闕神器乾坤在至公卑聞宣詔冊歡喜萬方同

六

傳聞降北將猶未悔狂圖念召豺狼入甘先矢石驅
聖朝何負汝天意屬亡胡試看山東寇汝今更有無
三衢邂逅周月船論心數日臨分賦此二
首

同是江湖客居然歲月多心期看白髮歸夢付滄波
子去見家遠吾衰柰別何幾時船上月載酒定相過

又

戎馬相逢日那知復此間客愁詩莫遣世事酒相關
江上孤舟在天隅兩鬢斑更將憂國淚滿袖送君還

秋日廬陵送杜子野還攝鐘陵糾掾

暫見還分手誰能不黯然去帆蘆葉浦別酒菊花天
他日思良會空囊換贈篇鐘陵有鴈過莫忘尺書傳

七言八句

臨川逢鄭趨之雲夢

天涯十載無窮恨老淚燈前語罷垂明發又為千里
別相思應盡一生期洞庭波浪帆開晚雲夢兼葭鳥
去遲世亂音書到何日關河一望不勝悲

再送賴成之出都

天際晴霞欲變春高樓分手淚沾巾荆吳渺渺孤舟
遠江海悠悠白髮新萬事蹉跎堪更問十年誰別亦

何頻江村幾處梅花發明相思是旅人

將之潯陽途中寄諸從昆弟

渺渺孤帆去幾程悠悠天際望湓城一身避亂々鄉
國千里相思隔弟兄猿叫匡廬寒暮色鴈過彭蠡帶
秋聲江湖此去方漂泊腸斷風塵遠別情

紫霞樓夜飲

西樓孤絕倚天青我愛明河對戶橫露滿碧梧風屢
起煙消綠嶠月初生仙人共酌丹霞酒逸士同吹白
玉笙不向此時窮笑傲更從何處豁高情

客中別表叔吳季高

悠悠遠別半生悲白日相逢又語離海內風塵驚不
定天邊消息到何時洞庭旅鴈春歸盡以步寒潮夜
落遲惆悵孤舟從此去江湖未敢定前期

和上官偉長蕪城晚眺

平蕪古堞暮蕭條歸思憑高黯未消京口寒煙鴉外
滅歷陽秋色鴈邊遙晴江木落長疑雨暗浦風多欲
上潮惆悵此時頻極目江南江北路迢迢

寄郭招甫時在潯陽

夢向三江買釣船挂帆西去白雲邊窻開曉色香爐
現門落寒聲瀑布懸百年酒興陶彭澤四海詩名孟

浩然何日真，翠塵外迹。焚香酌茗話先賢。

登滕王閣

高閣憑空浩蕩開，當時遺跡幾荒苔。煙含晚市悠悠見，沙帶澄潭渺渺回。此日登臨分壯氣，百年淪落憶雄材。可憐萬古神交意，日暮荒涼一歎哀。

早春寄潛齋王史君

昏昏醉睡慵朝起，日日柴門待暖開。春至任從花鳥笑，客來還伏酒罇陪。移舟動覓依江柳，策杖時能訪早梅。忽憶使君聯騎出，此時乘興幾銜盃。

送崔九過丹陽却上荆門省親

江國歸心一鴈牽，河樓分手數盃傳。千崖萬壑秋聲裏，匹馬孤帆落照邊。牛渚寒波翻極浦，荆門晚樹合遙天。他時莫枉瑤華問，南北相思各渺然。

舟中寄漢陽故人

浦口停留待信風，城邊落日亂流通。梧桐院落秋聲裏，橘柚人家晚照中。棹歌幾處驚寒切，砧響千村入耳同。日日愁心西北望，漢陽楓葉落無窮。

夜泊

夜闌估客送將歸，葭菼蕭條月色微。萬里江湖何處極，孤舟鴻鴈自相依。盃拋黃菊乾餘酒，城掩清砧罷

一
搗衣不柰此時心
斷絕長沙南去故人稀

送吳儀甫之合淝謁杜帥

羣
丁年劍氣欲凌雲
况復才華迥不尋
投筆幾回思出塞
賦詩此日去從軍
沙場青草時差緩
淝水紅旗捷屢聞
玉帳元戎桑梓舊
行看幕府策奇勲

楚江晚思

旅思遙遙倦向南
誰家煙火起晴嵐
孤城歸鳥連寒角
極浦斜陽帶遠帆
楓葉自能悲楚客
竹枝何用怨江潭
今欲寫風波恨
千里書成手自緘

古詩

送趙立道赴闕仍試春官即事感興因成

五十韻

嗣聖中天日遺氓憶漢時
一王新盛禮萬國賀重熙
官爵霑寰宇光明冠本支
窮冬辭老母吉日赴京師
祖席明斜照寒江結暮澌
停盃愁把袂立馬語臨期
草動春前色梅繁雪後枝
湖山饒逸興士友重遊嬉
菱唱工迷客荷舟穩放維
土風珍縞帶吳饌熟尊絲
塔寺開金碧樓臺漾綠漪
雲連勾踐國江動伍員祠
閭闔春朝早帆檣霽景遲
柳迎仙仗軟花簇御樓歌

首藉來宛馬櫻桃薦寢惟周家千歲曆漢殿萬年卮
駐蹕山川遠一弓歲月移天俄憂把國日再仰咸池
弓劍羣臣決園陵故國悲乾坤開帝統兩露豁宸私
蜂萬何為禹豺狼欲問誰箭流元師幕城立叛營旗
國體存矜恤至猷務遠綏耳從鷹一飽自待虎雙疲
復說京西亂愁連蜀道危倉皇分隊伍指點護藩籬
狙詐終勞馭遊菟不足羈幾年腥戰血今日痛瘡痍
宗社神靈在邦家德澤遺會聞淝水捷可復鴈門騎
卓詔詞頭切蒲輪禮意畢賢良多選拔社稷在扶持
舉動新羣目經綸佇一變長沙何遽往鄭小竟堪疑

莫以朝廷重翻今盜竊窺稍懲鷹隼擊庶使鳳凰儀
薪膽方無倦輿圖正入披王孫思報國天府待忠詞
世道多為忌波流幸勿隨從容陳古昔感慨論邊陲
仕進雖云始平生見在茲青氈今可復絲服更相宜
漂泊微軀老蹉跎困翻垂黻林元自逸正論竟焉禪
誤賞騷人作深慙國士知叫閤時已晚鳴劍志空馳
鬱々駸流俗悠悠歎亂離羊裘終隱去漁釣復何之
出處從今隔飛騰不可追濟時須俊傑願覩中興期

庚寅紀亂

承平盜賊起喪亂降自天荼毒恣兩道兵戈浩相纏

此邦禍最酷，孽子忍具言。朝廷討亂初，誰任主將權。
輜重道間來，憑隱何闐闐。殿前盡貔虎，所向當無堅。
紐練照川明，戈戟耀日鮮。父老當時言，此賊不容吞。
軍興法律在，進退非得專。柰何忽捨去，屯壘隨之遷。
留兵不五百，當賊逾數千。英々胡將來，策馬奮獨先。
出入突且擊，勢絕飄風旋。殺賊不知數，屍骸相疊穿。
誰謂散復來，其徒柰實繁。湏臾塞城郭，合沓迷妖氣。
將軍怒一呼，誓死報國恩。拔劍復入陣，鼓聲俄不聞。
哀哉失壯士，白日爲之昏。嗟彼城中人，欲生爲由緣。
連頭受屠戮，赤族罹禍冤。妻妾悉驅虜，道路號相牽。

或有小失意，性命無由全。言語方出口，腰領已不連。
婉婉閨中女，未嘗窺戶邊。白刃乍之去，不許暫稽延。
回頭顧父母，父母安敢憐。所掠靡子遺，囊擔無虛肩。
衣冠困奴隸，怒罵仍答鞭。又有脫鋒刃，多化爲魚鼈。
途窮勢復迫，忽若忘重淵。倉卒所傳誤，投身空棄拍。
嬰兒或在抱，粉黛猶儼然。砂磧腥人腸，銜啄集鳥鳶。
嗚呼彼蒼天，念此胡罪愆。比者因亂定，南歸經舊廛。
豈徒人民非，莫辨陌與阡。所見但荆棘，狐狸對我蹲。
坡陁流血地，靡靡生寒煙。城頭遇老翁，行淚爲余論。
云賊破城時，賊初攻南門。大軍血戰久，家得扶我奔。

所免有萬計皆我胡君思不然盡魚肉遺黎何有焉
語罷復嗚咽余亦涕泗連軍旅苦轉輸飢饉仍落臻
瘡痍奔未復千里惟空村白骨不知誰無人為招魂
四郊實多此仁者宜惻然近喜大告捷所俘悉已還
克渠戮廟社黨類歸之田當知釜中魚貨再喘息懸
胡為迭恃險高壘猶山巔蠻獠本異性土風來有年
力屈勢暫伏乞降非惡悛曾從固固治羣醜豈盡原
反覆恐難料安危伏諸賢此師不再舉乘時須勉旃
國家刑罰在廟筭必不偏感時鬚髮白憂國拳拳

贈呂仲祥

雪中誦招隱高卧閑琴樽忽有呂夫子清晨叩我門
夫子忠烈後家聲四海聞神交三十載方此挹清芬
吾道識宗主文章詔討論期我名山遊招我出塵紛
伊余抱病久局促滯中園平生海嶽交零落今誰存
今日對夫子使我開心寬忽覺此身去萬里如空雲
已見赤城霞疑聞天姥後世道久崩迫誰將元化分
濛濛六合間莽莽塵沙昏所以賢達士甘將麋鹿群
終欲從夫子超然凌紫芬松間兩白鶴爾實聞斯言

登豫章城感懷

憂來不自得登城望高天寒雲四面起朔氣下長川

脫劍且却座君知心惘然柰何平生志鬱柳江湖間
凜冽秋風來茫茫落日晚長憂生白髮沉想忘朝飯
向來經濟士本自碌碌人蕭曹刀筆吏樊灌市井臣
徒步取勲業漢道為光新我今何為者飄飄去鄉國
狂歌豫章城醉卧風江碧但取英雄笑終慙個儻生
名當以德載事恥因人成獨酌還獨酌哀歌還寂寞
安得凌風翰為君拂寥邈

夢中作

予客廬陵日夢至一大府主人自稱劉
荆州與子觴燕各賦詩為樂覺而髣髴

其一 二因續成之

少小尚奇節無意縛珪組遠遊江海間登高屢懷古
前朝英雄事約略皆可覩將軍策單馬談笑有荆楚
高視蔑衣曹氣已蓋寰宇天未豁壯圖人空坐崩沮
丈夫生一世成敗固有主要非僥倖人未死名已腐
夫何千載後亦忝趨太府主人敬愛客開宴臨長浦
高論極與亡歷覽窮川渚殷勤芳草贈窈窕邠邠舞
愧無登樓作一旦濫推許懷哉揮此觴別路如風雨

劉荆州答

皇漢失中德四海橫雕戈驚塵暗九有豺虎臨長河

流人滿川谷積屍亂如麻閩洛旣蕩折楚壞空嵯峨
謬當牧守寄無以救時訛竟貽百代誚家世隨蹉跎
安知千載下夫子感慨多人生固有志成敗飄風遇
且復登城隅逍遙望山河日暮襄漢碧鳧鴨遊輕波
何以慙我心玄熊間黃駝清觴宜城酒二八邯鄲歌
願言寫懷抱聊用寬吾家勿言此歡易樂罷歸無何

廬陵客館雨霽登樓言懷寄友

終日坐汾泚邈然無少欣登樓一周覽始見萬山羣
微雨洗殘暑青天捲浮雲襟懷兩廓落朗若覓夫君
見君君何在顧影還獨笑吏非金門遊隱異滄浪調

江明秋月白山空夜猿嘯徒事百卷女未返一竿釣
留滯豈勝愁非君誰與謀水寒終赴海鴈遠留賓秋
舉世不可語猶當傲巢田贈君三尺劍求駕五湖舟

送嚴次山

四年棲嶺表三歲客海東人生責安適奔走成何功
去年喜歸來山花春蒙茸弟姪各捧觴一笑生華風
南山多紫芝北山多白薇雲空汗漫臺月午生涼輝
俯仰僅一載脂車復征西豈以丈夫志萬里猶庭闈
豈以名山川待公親品題故園松桂林一一含真姿
何時賦歸來毋令久凝思

豫章留別諸公

登疆眺海日涉島聽江猿何意豫章園還著孤蓬根
經過徐孺宅出入洪喬問昔者秋葉落今見荷花繁
頗耽山水趣正愜明從溫窮秋催客去獨帆若雲奔
追攀感教子酒襟餘淚痕既傷歲月晚復戀煙霞樽
歡樂無定序聚散同朝昏大夫志四海別離何足論

遊臨江慧力寺

舟中望古利川上移琴樽隱々林閣見追々鐘梵聞
列岫不離席驚濤常在門風帆與沙鳥汎汎隨朝昏
天高一幡掛靜室衆香焚煙起多近郭鴉歸無遠村

松陰上微雲經聲來暮猿賞惟靜者契法對高僧論
安得息塵駕永懷瞻獨園明朝別此去惆悵滿松雲

山居即事

稍欣入林深已覺煩慮屏霜果垂秋山歸禽度嵐嶺
紛々葉易積漠々雲欲盛硯戶寂無人松蘿窅然暝
惟聞山鳥啼月出柴門靜於歲暮持醪延歡聊煮茗
羣書北窻下帙乱誰能整

遊僊六首

秋澗夜瑟瑟月露明團々褰衣步澗月忽見雙飛鸞
上有騰空仙天風飄珮環清歌映岩谷繁若五煉顏

願昇綠雲去隨君向仙闕燕食長不老何用思人間
二
憶讀玲瓏篇來往虛皇閣空見白芙蓉秋風幾凋落
昨逢紫陽君共有丹臺約下視塵埃中冠纓縛猿攫
世事行若此悠悠復何託

三

五老出東南崔嵬相間隔清晨登絕頂颯颯仙人跡
朱霞散九光岩谷好顏色回首空澄湖黃濤正喧擊
石上絃素琴神歡心自清仙童三四人忽來左右聽
嘹々誦金書勸我餐瑤瓊贈我一玉塵邀我凌雲行

舍琴與之去恍惚在蓬瀛

四

朝別簡寂觀夜行石徑溪
光照崖綠月色正相宜
石上三道士頽然好手姿手弄金光草或把珊瑚枝
憑風招素手賜我一玉卮歎我事遠遊蕭颯朱顏衰
長林孤月落羽蓋何歲蕤童
乘之去棄我忽若遺
明發聞無覩但有青颺啼

五

翩
南來雲如飛百隻鶴我行忽見之眇然意欣樂
五峯何峻秀靈草生垠萼願乘此雲去
鍊黃金藥

千載儻來歸不復見城郭

六

瀑布好明月上有石梁橫矯首望東海正見蟾蜍生
楊輝天漢間下照蓬丘城桂實幾凋落姮娥空聞名
咄哉玉斧子不如白兔精靈藥不服食執柯獨何成
迨日彩雲外誰吹白玉笙竦身一長聽了若出寰瀛

我友遠言邁

朔風捲秋樹白日寒無光是時鴻鴈來中野何蒼茫
我友遠言邁使我結中腸如何携手歡一旦成異鄉
行旅有期程遊子多悲傷置酒欲高歌泪來霑我裳

四坐慘相顧征馬亦傍徨未知會面日且復盡茲觴

悠 我行邁

悠 我行邁邈在天一方道路無終極時節異炎涼
路逢故里親揮泣問家鄉妻子離別久不知今存亡
中原多白骨城邑聚豺狼遠去無僮僕思還絕餼糧
寄語家中人遠行良可傷

朝日臨高臺

朝日臨高臺睠彼芳樹間上有共棲鳥和鳴何関日
禹亦暮倚侶我胡獨不然良友在萬里邈然河與山
聚會豈不思歲月候已殫未必無他人要非心所歡

昔遊東海上

昔遊東海上道遇青童君授我度世訣中皆鳥篆文
讀之了解不解再拜問微言舉首忽無見茫 空白雲

秋風入我戶

秋風入我戶 動牀惟咄喑中夜起柰何我心悲
四海豈不大傷哉無已知

過逍遙山

來過許仙宅復窺洪崖井地逐靈勝高興接煙霞永
伊余坐昏墊久欲還林嶺明發囊丹砂歸歟鍊顏景

聞鴈

淒離聽不足 咿嗷斷還續江人何似情賈客舟中宿
夜深砂磧寒月冷洞庭寬寂寞相依影悲風動 亥翰

又

江南底好颺塞北今衰草何恨旅情遙月映蘆花老
琵琶倚蓬窗媚婦別蘭房十載江湖淚一夕盡淋浪

古懊儂歌六首

伍兩轉須臾相望柰何許寄語黃帽郎船頭慢搖

二

君子如白日願得垂末光妾身如螢火安能久照郎

三

郎去無見期妾死那瞑目郎歸認妾墳應有相思木

四

船在下江口逆風不得上結束作男兒與郎牽百丈

五

朝亦出門啼暮亦出門啼蛛網挂風裏遙思無定時

懊惱復悒惱悒惱無奈何請郎且少住聽妾悒惱歌

滄浪嚴先生吟卷卷之一

滄浪嚴先生吟卷卷之二

樵川陳士元 腸谷 編次

進士黃清老 子肅 校正

楚詞

憫時命

憫時命之不當兮去重華之日遠懷貞慙之慘行兮
遭此世之澶忍志浩蕩以耿介兮思低回而蹇產衆
日進而蔽壅兮何靈脩之為怨固時俗之徃儻兮皆
矩矱而不可化獨好脩以增矜兮宜反謂余以多詆

惟天地之可正兮指黃泉以為期欲子屈心以從俗
兮雖九死其猶不忍為執太原之擾兮蹈焦原之峻
世沈淖而莫子知兮吾愈豈堯而自信昔伯陽之逢
紛兮時亦云其遑々緊周公之不復夢兮曷疑尼父
之惋傷陰與陽其轆轤兮天與地其圓薄八柱將撓
兮四極安託嗟子生之多艱兮哀衆命之將落願被
志而袖憑兮思自近而不可得獨悒抑而無誰語兮
怊茫洋而焉極涕滂溢而頌溶兮向高穹而歎息吾
將避俗以潔居兮從巢父于箕山采三秀而燕蒼栢
兮聊以終吾之永年哀山谷之多風兮霰雪寔冥而

不見天豺狼縱目以相嗥兮虎豹羣而食人信自適
而無所兮蹇淹留而懍怵目眙々而外浮兮精專々
而獨徃舉大清以為珮兮搯灑氣以為惟芳颯還而
並御兮豈獨椒桂與江離歎此世之多囂兮將遠跳
而去之揭太乙之長竿兮建招搖之飛旗天吳為余
奔走兮龍伯為余指麾折鄧林以為策兮眇八合而
驅馳左裾拂乎崑崙兮右袂掩乎月窟訪混沌之所
止兮超青冥而歷荒忽撫盤古之頂兮挽天皇之臂
叙余心而敷詞兮曷為乎鴻荒之不再世吾將揭北
斗而量九州兮均人命之所與定日月之所舍兮使

長照臨此下土又恐羣靈之好讒兮得上帝之憑怒
不照余之精誠兮吾將安愬臨天路而傍徨魂连连
兮失度乱曰遭余車以來歸兮曾何足以舒憂羗靈
脩之不吾祐兮於今之人其何尤懷余情而終古兮
聊與化而逍遥

操

雲山操 為吳子才賦

山巖從兮白雲之冥之兮高山若有人兮居其間超
逍遥兮盤栢芸樞兮菌栢羅橘抽兮為堂塗予室兮
楓香擘葛藟兮為惟藟蓼雜兮佩幃穹岫兮玄崖瀑

流兮相飀皎積雪兮奔雷攢林香其蔽日兮挂飛猱
之清哀雲中之君兮 白鹿山靈續兮下空谷風蕭
兮兮灌木雲山兮幽兮羗躑躅兮夷猶惆悵兮余懷
非夫君兮誰思投余簪兮太息從夫君兮歸來

金山操

天蒼兮河水黃河流決大野茫伯鯨治水九年無功
四海赤子化為魚龍鯨殛死堯震怒乃命禹平水土
水土平禹功成魑魅奔走人安寧平地哉桑麻山頭
種蕎麥赤驥騰握黃牛上輓諸侯會同三千國嗟雷
防風後至奚為悠兮望山今昔所悲

吟

行子吟

行子在江海飄忽無因蹤有如芒碭野朔風捲飛蓬
朔風無休時飛蓬日千里散落天地間寧有復歸理
胡鴈西北來一叫三徘徊何時別沙漠昨夜宿陽臺
同羣一相失羽翮常低催人物有殊性柰何罹此哀
昨夜客遊初結交重豪邁高冠湛盧劍志若輕四海
白首悔前圖蹉跎天一隅寒冬劍門道失路空躊躇
深林聚豺虎絕壁號猩鼯雪深車軸折征馬驚啼呼
何當返故廬食黍居田廬淚下不能云腸轉如轆轤

還山吟留別城南諸公

日暮望寒山悵然歸思發如何山中客屢看城頭月
山中月明女蘿秋石磴澗澗馮碧流巖猿久別應惆
悵澗鳥相呼亦共愁城南故人與我好令我忘却歸
山道昨夜西窗夢到家忽驚千嶂芝花老朝來舟子
從辭君回首空江語尚聞別後莫嗟難見面相思只
望嶺頭雲

孺子臺吟

去年醉與東湖別欲上衡湘泛秋月君家留我却遭
迴悵望還成阻脩闊西山縹緲翠屏開復憶滕王倒

玉盃經過始識洪崖井調笑重登孺子臺
前呼酒杵荷花水淨煙明散落霞
牽盃失笑君何在望斷行雲空
咄嗟故人別後還愁緒此都
不是余留處興來目送海邊鴻
歸心掛在閩溪樹路逢估客有
倩人因得題詩一寄君
大鵬正展圖南翼空有相思隔海雲

引

思歸引

海上之草綠芊芊洞門一閉
今幾年仙驥去時留紫鞭
掛壁見之心惘然欲歸即歸
亦由我不待切成何不可
堯舜不能屈由巢自餘王侯
何足交武陵春水

綠堪染就中亦有桑麻郊
近闡秦人笑相語待我東
溪種碧桃

謠

夢遊廬山謠示同志

昨夜月落西牕陰倦推石枕
凭素琴身居紅塵不自
覺夢入廬山深復深廬山
深處在何許五老仙人
邀我語眉如秀雪顏桃花
酌酒相酌坐箕踞明河九
派倒西來石梁巉絕古道
閑五公握手向我笑下見
劫火揚塵仄獨騎一鹿窮
縈迴窅然醉踏青錦苔松
風號嘈何清哀端飛瀑捲
萬壑雷忽然驚起迷所向
四

坐已失黃雀，披衣徬徨還。太息我與世，途何所屑。
亂世茫茫，飛蠓蟻囊中，別有金膏訣。須君之行，當何
時。共向丹崖卧松雪。

歌

錢塘潮歌

送吳子才赴禮部

海潮之來自古，昔天下詭觀稱錢塘。東南士氣實在
此，勢與造化為低昂。觀其映日始一線，何處羣鷺紛
然翔。漸聞鼓管震原野，疑是三軍囂陣行。銀城天際
忽過眼，捲蹴厚地何倉皇。餘波已去酒月窟，怒氣猶
自吹扶桑。百川倒流浩呼洶，天吳河伯神皆竦。海上

長人出木鷲，巨鰲辟易三山動。廣陵之濤安可此，吳
客雄誇徒為爾。請君看此凭江樓，載酒無勞棹小舟。
湖上百花春蕩目，笙簫聒我非清遊。洪濤萬里壯可
吞，筆底颯々洪濤奔。願持忠憤懇明主，一勇於君何
足論。錢唐日邊雲氣多，君之行兮莫蹉跎。教人臨期
奈別何。贈君錢塘海潮歌。

送戴式之歸天台歌

吾聞天台華頂連石橋，石橋巉絕橫煙霄。下有滄溟
萬折之波濤，上有赤城千丈之霞標。峰懸磴斷杳莫
測，中有石屏古仙客。吟窺混沌愁天公，醉飲扶桑泣

龍伯適來何事遊人間飄々八極尋名山三花樹下
一相見笑我蕭颯風沙顏手持玉盃酌我酒付我新
詩五百首共結天邊汗漫遊重論方外雲霞友海內
詩名今數誰羣賢翕沓爭相推胷襟浩蕩氣蕭爽豁
如洞庭笠澤月寒空萬里雲開時人生聚散何超忽
愁折瑤華贈君別君騎白鹿歸仙山我亦扁舟向吳
越明日凭高一望君江花滿眼愁氛氳天長地闊不
可見空有相思寄海雲

雷斧歌

穹崖之上層峯之巔神光夜半光燭天山僧夢裏忽

驚起有物墮地聲填然峯頭巨石似開擘鬼物敢走
如颺旋山僧曉是不敢取有客識之為雷斧持歸摩
挲色蒼古匣中往々出雲氣窓外時々起風雨吾聞
陰陽之氣相搏為雷霆變化翕歔常杳冥非若革罷
考擊之為聲不知此斧何從形乃是此于之心朱雲
之舌一片忠憤氣蟠鬱天地間千載長不滅造化為
爐巧鎔結嗟哉指佞之卓不復生羣姦睚眦紛縱橫
大弓寶玉爭竊取豈懼鬼責并天刑我欲乘雲朝帝
所犬吠天闕排九虎乞將此斧借小臣叩頭問天天
更許

行

劍歌行 贈吳會卿

劍歌行借君劍為君舞自古英雄重結交樽酒相逢
氣相許愛君個儻不可羈與君一見心無疑踈眉大
穎長七尺神采照耀仍虬髯雄詞落紙走山嶽霹靂
繞壁蛟龍隨如何十載困羈旅此心獨未時人知去
年從君殺強虜擊鞭直解揚州圍論切不履驃騎幕
失路羞逐邊城兒歸來寶刀掛空壁白光夜夕驚虹
蜺椎牛醜酒且高會酣歌擊筑焉能悲百年快意當
若此迂儒拳局徒爾為我亦摧藏江海客重氣輕生
無所惜關河飄蕩一身存宇宙蒼茫雙鬢白剌虱猶
吟然諾心千疇錯負縱橫策海內交遊四五人近來
得爾情相親情相親兩相託生死交情無厚薄別君
去還留連願剖肝膽致君前人生感激在知已男兒
性命焉足憐

送主簿兄之德化任

唐世諸嚴盛西蜀鄭公勲業開吾族後來避地居南
閩幾代詩名不乏人叔孫伯子俱成集我兄下筆追
唐及少年賜第光明宮才氣如雲辨揮翕習簿風流
四海聞誰令作吏狎埃氛片帆江上君先發別袂春

前我暫分借閣匡廬在何許舟人遙指雲中語彭蠡
湖邊幾樹秋琵琶亭下江千古香爐峯頂散晴煙瀑
布懸疑瀉漏天平生夢寐行歷處一笑忽覺當樽前
盡驅靈異入篇什物象往々愁咎鞭此中高興寧淹
久盜賊兵戈奪回首鄭公勲業湏人傳康濟他時伏
君手我今踈闊更何為心事惟將海嶽期匡廬半席
君為主待我爾來試一題

寄贈張南鄉兼答文篇之貺時張南鄉在

鄱陽

君不見邯鄲輕薄少年兒閑鷄走狗長相隨忽然共

意向盃酒拔劍相看死何有君不見關西大姓多使
徒結客如雲傾五都一朝金盡人事改昨日交朋竟
誰在我笑悠悠世上人漢吏反覆非情親拂衣便欲
滄海去但許明月隨吾身張侯為人心事好使我一
見喜欲倒交友如君未易逢相逢恨不相知早相知
雖早亦何為氣豁神傾在一時君知海內劉玄德我
識弘農皇甫規昨來贈我瓊瑤作把酒高吟意寥廓
色動曹劉側耳聽菟歸萬古開冥漠故人一別兩何
如無限風期託素書千里神交如咫尺相思誰道隔

江湖

惜別行贈馮熙之東歸

男兒一片萬古心滿世寥落無知音今朝見君握君
手大笑浩蕩開煩襟携樽下馬清溪側脫畧寒温忘
主客何處閑雲海上來為我山邊起秋色自顧沉迷
類蜀莊愛君才術過馮唐座中然諾兩相許一飲不
覺連百觴下悲世事及危亂上話古昔窮興亡高歌
未斷唾壺缺起親落日神飛揚挽君不覺惜君去恨
不移家近君任人生行止皆由天我輩豈得長相聚
風塵頓洞一回首歲月易失紅顏暮離心一夜誰得
知萬里驚濤浩東注

放歌行

進賢之冠兮高乎岌危山玄之佩兮長乎陸離苟非
其道兮曷如蕙帶而荷秋毫舜遜其不逢兮我之心
其孰得而知寧輕世肆志兮採高山之芝與其突稜
滑稽有口如鮀據高位而自若鈞厚祿而無疑則余
有蹈東海而死耳誠非吾之所忍為

相逢行 贈馮卿之

馮夫子神仙中人乃知此幾載長懷玉樹枝昨來曾
見蛟龍字志合神凝盃酒間誰知豁盡平生事與君
高會日揮金擊劍談玄復弄琴看君自是青雲器何

事常懸滄海心我今與君真莫逆世上悠悠誰復識
百年飄忽或須臾萬里青霄一飛翼且將耕釣任吾
身君亦狀頭有周易馮夫子我欲歡君飲君當為我
歌眼前萬事莫可理紛紛黃葉掃更多長風吹天送
落日秋江日夜揚洪波只今留君不盡醉別後相思
知奈何

送吳會卿再往淮南

故人身披紫綺裘腰佩玦騎胡騮英風俠氣橫四
海辭我遠向淮南遊淮南桂樹應猶在八公舉手遙
相待明月高懸五兩頭隨君千里過淮流十年鞍馬

邊城道又自邊城見春草春草萋萋路入秦長安北
望空愁在荆楚奇才多劍客感慨相逢思報國男兒
事業早致身青鬢須防霜迫我向人間久拂衣白
雲相伴掩岩扉調琴鼓罷清商曲愁見孤鴻天際飛

促刺行

促刺復促刺男兒蹭蹬真可惜三年走南復走北歲
暮歸來空四壁鄰翁為我長太息人生四十未為老
我已白頭色枯槁海內伶俜獨一身裘馬摧藏愁欲
倒今日飲君數盃酒座間頗覺顏色好忽憶當年快
意時與君笑傲長相期大盃倒甕作牛飲脫巾袒跣

惟嫌遲即存多病筋力弱壯心雖存興寂寞君不見
昨夜誰為烈士歌聽罷仰空淚零落

古劍行

我有三尺劍懸膽先陸離制鐘不錚切玉如泥水胡
蛟龍陸剽犀三軍白首終一揮惜哉挂壁無所施使
之補履不如錐吾將抱憤懇玉帝手持此劍上天飛

北伐行

王師北伐何倉卒六郡才男盡別骨空見朝陵奉使
回羣盜翻來舊京闕襄陽兵馬天下雄尚書兄弟才
傑同偏裨入救嗟已晚萬國此恨何時終

四方行

四方羣盜苦未平况聞中原多甲兵百年讎恥幸已
雪何意復失東西京嗚呼機事難適至成敗君者豈
天意戰骨連管漢不歸空流烈士中宵淚

上留田

天地一何長久上留田人老一去無歸上留田松栢
一何纍々上留田勸君酒樽金壘上留田願君大家
蠶桑上留田有絲織作衲襦上留田無為多憂蚕煩

傷上留田

結客樂

荊州人來販穀下江易上江難船頭鼓波漫夕長帆
輓上五兩竿

詞

滿江紅 送廖叔仁赴闕

日近觚稜秋漸滿蓬萊雙闕正錢塘江上潮頭如雪
把酒送君天去名瓊瑤玉佩鵝鴻列丈夫死富貴等
浮雲看名節○天下事吾能說今老矣空凝絕對西
風慷慨噓壺歌缺不洒世間兒女淚難堪親友中年
別問相思他日鏡中看蕭々髮

沁園春

為董叔宏題溪莊

問訊溪莊京如之何吾為平章自月湖不見江山零
落驪塘去後煙月淒涼有先生如梅峯者健筆縱
橫為發腸還添得石屏詩句一段風光○並入雅興
倡伴每携容臨流泛羽觴想歸來松菊小煩管領同
盟鷗鷺未許相忘我道其間如斯人物只合盛之白
玉堂須還把扁舟借我散髮滄浪

滄浪逸詩

五言絕句

西山

西山青縹緲深處有丹砂說道神仙客邀予戲紫霞

送友歸山谷

送君歸山谷覺我荷夜塵殷勤郡城別衰淚欲沾巾

空齋

寒燈照疎竹棲禽時復驚默坐空齋夜寂寞道心生

五言八句

歲暮得表叔吳景仙書因寄

遊吳還遍越慷慨真徒然烽火關河隔兵戈宇宙連
雲來山雪外人在海雲邊借問遼東鶴歸來定幾年

登天皇山作

我來陟高頂俯瞰臨長川陰崖隱落日疊嶂鳴飛泉
獨立一世外所思千古前回看鳥沒處茫茫生白煙

遊紫芝巖

羽客逍遙地桃源世未尋我來窺異迹高步越飛岑
石帶藤蘿古泉鳴澗壑深紫芝未可採空寄白雲心

七言絕句二首

萬里長江歲暮天冰堅可渡不須船雪堂老子遊
笑化鶴歸來又百年

梅花樹樹攬離心寒重馳裘雪片深詩思飛來驢子
上小山叢桂待若吟

四言

平寇上史君王潛齋

治平改元有盜于建昔犯我鄙狼蹂豕踐於休王侯
維民之憂爰整我軍式遏虘劉侯勵將士無譁聽我
進退勇怯死生福禍侯出府庫啗勲賞馘前無堅敵
後無捷策乃有奇士櫟鞍請行祖禡入陣賊莫能嬰
亦有賢僚爭先跋涉屢摧賊鋒月癸三捷侯曰嘻哉
盜本王臣殪而殲旃傷天地仁赤子弄兵如魚遊釜
投戈歸國新汝生路孰謂反覆給我行人既弛我備
薄奄我軍我軍少却醜類鳴張環數百里奔播倉皇

侯曰嗟哉其又可怒馳赤白囊亟請淮旅淮旅未來
陷危如燬淮旅既來稚耄失喜侯謂淮將次舍良苦
休士秣馬我有清醕淮將曰吁剪此朝食不介而馳
直搏其穴羣醜來聚亘野彌山淮旅整暇徐誘之前
弓不虛發矢不妄激發數步內應弦而路或戈其侯
或艾其若鳥獲力筈乳臭嬰黨類周章途殫命窄
魚驚鳥散影不反迹淮旅抑怒壘芥鬣鬣搜林刮藜
遠討窮追淮旅初怒火烈具舉沸澤焦崖窟穴無所
目相踰藉十殺八九喪魄亡精食不知口原膏野赤
谷臭川腥燐火不燭殤鬼殘形乃求元兇已縊岩阻

執彼餘寇入而振旅其魁伊何緇服髡首一群縱觀
萬夫歡走炮烙剔腐以徹叛者前後獻俘復以百數
蕩滌汗垢者貸脅從以霜捲電和氣融融侯饗淮將
加蓬折俎庖騎酒車飲均衆伍何以贈之筐篚熒煌
戰切曰多吾成于王嗟我婦子若翁若嫗安逸怡愉
正侯曷保侯曰此捷諸將之功雖有諸將實侯指蹤
雖在藩籬疾若心腹急緩安危若手反覆匪侯勤請
憂實難圖謂予不信往有獲車君子作歌以頌侯績

誰其承謀願備簡冊

滄浪齋先生吟卷卷之二終

